

論說

二月二十六日

候補道李宗棠上江督稟

(爲倡設兩江留學會館及附設學校事)

敬稟者竊職道此次到東。諸生開會歡迎。情殷桑梓。職道亦於新正元旦開懇親會。徧邀三省學生。意在聯絡省界。不獨爲外界結團體。且欲爲內界泯爭端。衆志和融。羣心鼓舞。在他省人頗羨我三省聲氣相連。一時羣最。因與提議創立兩江留學生會館。並附設學校。事。釐成者居多。查日本東京中國留學生總會。係職道辛丑年冬與諸生組織而成。彼時我國留學生僅二百六十七人。壬癸甲乙四年間。職道復奉公東渡。五次。目視留學界之發達。日勝一日。迨去歲冬。竟有八千餘衆。可謂盛矣。總會館是一大樞紐。各省人數既多。究竟仍屬散漫。非各省結成小團體。由小團體再結成大團體。斷不能成一堅固安穩之團體。此分會館之宜急設也。總會館所以轄全體。分會館所以聯省界。其勢實相輔而行。至附設學校一節。緣以現在游學諸生。無論官費公費私費。其中達材成德。固不乏人。然於普通科學毫無根柢者。亦復不少。言語不通。造詣不同。遽入日本學校。豫備普通科學。仍須先習語科。其計殊覺失當。今我中國各省學堂。如果設立豫備游學科。專習普通科學及各國語言文字。立法不難。成效甚難。教習尤不易聘。恐一時未能美備。是莫若就外國立一學校。祇須經理得人。規模定可完善。教習就地取材。任我選擇。修新較聘。至中國更廉數倍。此亦因時變通之法。然若舉歸官辦。其中窒礙甚多。惟附屬於會館。或可持久。而圖精良。普通班外。仍可附設小學。注重中文。准商家子弟入學。讀書。亦足爲商界聯絡之一端。獨是創始維艱。需款甚鉅。可否仰懇 憲恩登高一呼。衆擎易舉。倘荷 咨商蘇皖贛三省撫憲通力合籌。每省協濟銀五千兩。合之寧屬可籌得兩萬金。再由職道商懇三省官紳捐集兩萬金。作爲開辦經費。俟學校成立後。按照學生名數。按日本之通例收費。以爲常年支用。此時藉組織會館之名。爲補救學生之策。是誠學界善後最要之著。我憲台振興教育。胞與爲懷。諒邀俯察。倘蒙批准。遵即函致日本東京學生酌議辦法。呈候鑒核。實爲公便。至該會館總長及學校校長學監等職。應由學生公舉主事。可請憲台遴選派主事一職。官稱謂之提調品行操守爲重。應不拘何省人及何項官職。合併陳明。肅此敬請 鈞安伏乞 垂鑒。職道李宗棠謹稟。

譯電

調查德國戶口○西三月十九號路透電云德意志帝國調查戶口冊共人民六千零六十萬五千一百八十三名云
停議摩國問題○同日又電云各國代表人在阿爾支士喇士會議摩國問題彼此堅持勢難了結現在已將交割之事
全行停議云

瑞士派摩國總監督○同日又電云瑞士政府從奧德二國之議派一瑞士人充摩國總監督以未與各國妥商現十分
棘手

要緊新聞

慈宮注重衛生○聞內廷消息近日 太后頗注重衛生每于早膳後輒畫寢休息迨寢興時即乘坐東洋車在宮內遊
覽一週云

內廷換穿袍褂○近日天氣漸覺和暖故 皇上臨朝已換穿銀鼠袍褂惟領帽則仍未更換云

三大臣由美赴英○澤尚李三大臣已于二十日由美京起程乘輪赴英矣

外部議定用人之法○外部原擬考試司員嗣又決定毋庸考試現聞該部堂官商議所有京外各官及各學堂畢業生
出洋留學畢業生或熟嫻各國語言文學或研究中外政法條約者隨時咨調到部一年後奏留如實不副名仍隨時
考回各堂均贊成此議大約日內即可奏明辦理

榮尚書有學生貴精不貴多之說○譯學館學生陸續派出外洋故該館監督擬招考新生入堂以補其缺商於學部堂
官榮尚書言學生貴精不貴多云

中央政府無權之一斑○河南巡撫陳筱石中丞以舉行新政經費不敷特仿照湖北江南彩票章程開辦河南彩票業
已開辦兩月始行入奏政府以湖北江南彩票乃係該省經費支絀萬不得已之舉將來經費稍充便即停止故於月
前已將河南彩票票駁令不准開辦惟現下河南彩票仍開如故

電復俄人無辦鐵路○日前外間傳說俄人在阿勒楚喀經營鐵路政府因電詢吉林將軍旋據該將軍復電謂該處俄
人無辦鐵路之事想是謠傳云

人無辦鐵路之事想是謠傳云

李監督常川住堂○大學堂監督李柳溪京卿抵任後欲常川住堂以便稽察管理一切近已飭將堂內監督寓所畧加
修葺約月內即可遷入云

前門樓工之傳說○南洋有某木廠蓄有巨木其紋理極美觀而其質易生蟲蝕故無人過問而購焉此次正陽門樓之
修築往購大木適得此材外間論者多慮樓工不能久固本館以為此等木質其是否易招蟲蝕須日後方知今姑存
此說於報端以為他年考驗之地步可也

撥款修設電線○政府現已允准烏里雅蘇臺將軍撥款五萬兩修設該地至庫倫之電線并飭從速測量開辦云

本京新聞

兩宮垂問各國立憲情形○前駐法欽使孫寶琦於 召見時蒙 垂問各國立憲情形甚殷並有論及政黨之語
刑部政務處奏陳要政○刑部奏重定上海會審公堂律章政務處奏疏請舉貢生員出身辦法均奉 旨依議

孫京卿仍入政務處○前駐法欽使孫京堂寶琦奉派仍入政務處辦事

趙留守擬設銀行○奉天將軍趙爾巽有電致政府論宜在奉天設一銀行發行紙幣以為整頓滿洲財政之機關並當
與日本交涉請其速將軍用票妥為清理

駐藏大臣請改道入藏○駐藏大臣聯豫電奏現已行至打箭爐惟該處入藏之路甚為艱阻擬改由海道前往奉 旨
聯豫著即行入藏無庸改道 按聯大臣若欲由海道入藏則須由打箭爐折回成都轉至重慶由水道至宜昌乘江
輪至上海再附海輪至印度然後附搭火車至西藏交界其需滯時日不言可知宜 朝旨之不許也

羅馬教相轉詢教案詳情○外部據駐意使電稱羅馬教相託意外部轉詢南昌教案詳情請示覆云云

英員往查營口商務被阻事○英使因英商在營口商品每被日軍政署阻留不便行銷擬派專員往查已通告外部
俄使議約不用通譯○俄使璞科第來華日久深諳中國語言聞此次會議中俄條約不用通譯人員直接與唐侍郎密
切磋商故一切消息外間無從刺探各報所言皆從國外之報繙譯得之云

內閣奏更換學政敕書摺○竊本年八月初四日內閣奉 上諭袁世凱等奏請立停科舉以廣學校並妥籌辦法一

着即自丙午科爲始所有鄉會試一律停止各省歲科考試亦即停止等因欽此又八月初六日奉 上諭昨已有旨停止歲科考試專辦學堂所有各省學政均着專司考校學堂事務會同督撫經理等因欽此欽遵在案查各省簡放學政向由臣衙門頒發 敕書茲欽奉 諭旨停止歲科考試各省學政專司考校學堂事務自應換給 敕書俾遵職守謹撰擬各省學政 敕書一道繕寫清漢文進 呈恭候 欽定伏乞 皇太后 皇上聖鑒謹 奏光緒三十一年十一月初七日奉 旨知道了欽此 敕某官朕惟庠序之制隆於三代其教之也有方而進之也有序故得人稱極盛焉唐宋以來科目斯設沿至於今羣驚空疏鮮有實濟既乖初意因時制宜是用停罷制舉建立學校遠師周官之遺意近採各國之成規庶宏作育之方冀收樹人之效今特命爾前往提督各府州縣學政爾尙端軌儼崇經術表正趨向廣設學科嚴立課程慎防流弊毋徒標新異毋故蹈奇袤毋避怨而見好市恩毋畏難而因陋尙簡俾多士皆爲有用之材庶民普授教育之益克贊維新之治共成富強之基以副朕因時立制之至意人才夙盛所有該省學務悉責成爾會同督撫臣經理所屬府州縣提調 官凡有關學務人員聽爾據實考核該省官立民立各學堂生徒聽爾約束課程聽爾稽察畢業升學屆期聽爾考校所有學務奏定章程當着實舉行遇有傳諭整飭學務事宜爾當恪奉遵依至於奉省督撫各有攸司如遇公事交 暨文移往來俱照平行其布按兩司接見禮儀往來文書有干係學政者俱照學院衙門例行爾受茲委任務嚴絕情面一秉虛公振拔孤寒澄汰污賤訓課有程升降有法俾民智日開士風丕變時爲爾功如或因循推諉違命曠職亦惟爾罰其慎之故敕

練兵處催款○練兵處有電致江督周玉帥略謂迭接文電以銅元局新廠甫安機器又奉部飭停鑄墊本尙無力籌還更無餘利可撥茲不得已另於他款內挪銀十八萬兩匯交上海戶部銀行兌收江蘇財困已極萬難支持務乞鑒諒勿再催索等因查銅元局前借滬廠經費銀四十八萬兩除匯交十八萬兩外尙應找解三十萬兩滬廠歲提經費七十萬兩業經奏准歸北廠應用北廠開辦在即需款甚鉅目前暫存戶部銀行不過爲挹注之計一俟北廠動工即須匯撥此款江南財政無論如何艱窘區區三十萬兩尙不過於爲難銅元局既無餘利可撥仍請在他款項下如數籌交以清款目而符奏案並祈先期見示以便轉飭該銀行查照辦理云云

俄防中國○據出使俄國大臣胡惟德電稱俄國政府近見黑龍江及伊犁兩將軍銳意舉辦新政切實練兵以爲我國在中俄邊界如此實力經營將于俄國利權不無損礙因即電命駐土其斯則達及黑龍江等處俄國官吏著其留

意中國近日之舉動務以保全我國之勢力爲主云

部電限寄游學簡章○山東楊撫前經爲游學章程事電詢學部旋經學部回電云學部電濟南楊撫台洪游學生詳細章程本部現正酌議茲先將選送時大畧辦法電 冰電赴西洋者人較少弊較輕容再便達其赴日本者一查格宜審定學長期者除習淺近工藝僅須預備語言於學科無庸求備外凡欲入高等以上學校及各專門學校者必有中學堂以上畢業之程度且通習彼國語文方爲及格一不足應先在本國補習短期者除游歷官紳可少寬限制其實速成科者或法政或師範必須中學與中文俱優年在二十五歲以上於學界政界實有經驗者方爲及格否則不送無論官費私費長期短期遊歷遊學必品行端謹無劣跡身體強健無宿疾否則不送非由書送出使概不送學非經考驗本省概不咨送一期滿宜畫一日本各學堂以西歷四九兩月爲學期之始各省選送學生除需材太急不能久待日核計人數能自成一班者可以不按此限外其餘無論長期短期官費私費宜按道里遠近預計程期使到東之日恰在開學之前平日概不零星派送各省風氣之通遲早不一其遊學人數已多者續派與否應請自酌若風氣甫開之處未便停派私費者尤未便阻抑但當核實考驗按期彙送流弊似可漸少至預備游學之學堂或獨設或合籌應請斟酌合辦辦理其他細目容俟擬定奏准再行達知學部電 青印

各省新聞

創建陸軍軍獄○(直隸)北洋陸軍各鎮兵丁時有犯罪及逃亡等事一經拿獲照章按罪之輕重限期分別監禁向來悉用民房監押狹汚穢未免有碍衛生經督練處會議以籌備軍獄近已改與現兵丁離犯罪監禁終係軍人急須創建軍獄一切仿照外洋軍獄辦法前已通飭各鎮遵照辦理現經陸軍正統法官陸司馬桂貞在馬廠附近勘就地址已繪就軍獄房間圖式呈報直督一俟奉到批示即當動工開辦

赴日學生先入方言預備學堂○(江西)南昌學務處爲騰選取赴日之各學堂學生及各屬送考生童本擬二月出洋茲因各生手東文家無門徑驟送赴東恐于學業不能深得茲由中丞飭令先行派赴方言預備學堂習日文數月再行派往云

准文職投習武備○(浙江)浙省武備學堂創設傳習所定限一年半畢業通飭各營保送及招考外如本省候補文

五千噸)西八月能由英國駛抵日本 戰鬥艦薩摩號(排水量一萬九千噸)定於西十月在橫須賀落水 甲
 裝巡洋艦古馬號(排水量一萬四千噸)定於西八月在橫須賀落水以外尚有未成之水雷驅逐艦及水雷艇無
 數皆於年內可成此日本海軍益強大矣譯日本太晤士報
 日土將議商約○(日本)土耳其政府近欲與日政府議訂日土商約故土耳其國宮內省大臣已知會日本大阪長
 村商店之土耳其文店請其轉致日本政府該店已將土耳其之意稟請日本外務省今聞日本政府各官皆極願
 贊成是舉云譯日本太晤士報

英國名士發明破霧捷法○(英國)英國某大學教授羅維君為彼國著名物理學家警答爾民之高弟近年深思熟
 慮專就倫敦之濃霧有所研究及至今日始發明一破霧新法能用電氣使濃霧立刻消散日前在該大學試驗之際
 其結果非常良好因彼裝置精巧之電氣一經放射則四圍充塞之濃霧霎時飛散雖彌漫至六十米突之高亦能同
 時明亮顯出大學之正面云

亞爾伯山中燈臺特設○(瑞士)瑞士人為期亞爾伯山路之交通會竭力經營敷設亞克福蘭鐵路之大工程大半
 業已竣功其一部落成期亦已不遠近悉該鐵路之最終驛為完成此路之交通更起一便利之計劃特在該處建設
 一大燈臺此燈臺之光力有九千六百萬枝燭光照射距離及百基羅未突其規模之大可以想見山上之燈臺推此
 為先(按亞爾伯為歐洲最大之山系南界意大利西北與法蘭西德意志瑞士劃境山頂積雪四時不消在法蘭西
 國境最高之峰名布蘭山)

調查

日本三十九年分歲入歲出總豫算表

靖國神社寄付金

陸軍省所管合計

海軍省所管

(續)
 共計七五五〇
 五三八二八〇二

海軍本省

俸給及諸給
 廳費
 修繕費
 死傷給賜費
 賠償及訴訟費
 旅費
 俸給及雜費

一一三三六〇
 一四四三五
 三五〇九
 一一〇
 二〇
 七三三三
 一九三九五
 共計一五八〇七八

軍事費

俸給及諸給
 廳費
 修繕費
 死傷給賜費
 賠償及訴訟費
 旅費
 雜給及雜費
 諸給賜費
 外國駐在員費
 糧食費
 衣服費
 造兵及修理費

七七一六四七七
 二八三二四八
 一七〇七六九
 二七二四
 一一五
 四八四九一一
 四九三〇〇八
 三二九〇六九
 一〇六九九五
 四〇三〇九〇七
 一四〇〇一一四
 五三八四四一九

造船及修理費
演習費
患者費
軍港費
艦營費
扶助金
囚徒費
水路費
備外國人諸給
機密費
機動費

一八五九九四五
二一八一八九
一六七六七〇
二〇三〇〇〇
五三七〇九五五
二六〇八九二
五一七五
一八四八〇四
一二六〇〇
五〇〇〇〇
二〇〇〇
二八九一四〇七三
計二八七五五九九五

專件

合興公司交還粵漢鐵路各件清單
謹將出使美國大臣梁誠在美國及湖北派員在滬粵分別接收合興公司還粵漢鐵路一切財產物料圖表契券冊籍開列簡明清單恭呈 御覽
計出使大臣梁誠在美國收回合興公司點交各件
一收金元小票七箱計共四萬五千五百五十六張面作萬金三千七百七十七萬八千元
一收息票計共四千四百四十四張
一收勘路定路探水鑽地造房各種圖橋梁溝渠車站車輛鋼軌鐵廠煤礦各種圖又草圖總圖形勢圖工程圖報告圖

(一十)

並各項估單計共一百一十九件
計湖北派員在廣東收回合興公司點交各件
一收自石圍塘至佛山雙軌鐵路三十五里零六四
一收自佛山至三水單軌鐵路六十四里零六八
凡附屬鐵路之橋梁馬頭站屋車廠貨棧機器車輛駁船等項及各棧木作價之存料一律接收清楚
一收鐵路各項圖表三千一百六十三張
一收鐵路地契二千四百一十五張
一收購地領狀八十四張共計地價銀十二萬三千五百九兩
計湖北派員在上海收回合興公司點交各件
一收總公司正契四千六百八十五張
一收領狀一千七百七十八張
一收文卷二十八宗
一收豁免丁漕清冊六本
一收上海廣東及美國用款并行車等報銷譯冊三十本
一收散圖及估單三十四張
一收廣東購地局解送副契領狀關防文卷帳冊及購地散圖計共三箱原解清冊三本
一收管理處副本圖樣估單共三百十餘張洋文帳據并各項冊籍共一百六十六包
一收紙件共十八箱車脚廢票共五箱
一收器具共二百二十餘件
一收駁船分票一張

宮門抄

二月二十五日禮部 太常寺 正紅旗值日 慶王因子載振充總旗長謝 恩 崇壽劉永亨前往 東西陵請
訓 紹昌謝寬免處分 恩 分省補用道尹銘綬謝 恩 沈曾桐陳伯陶何雲翥預備 召見
召見軍機 沈曾桐 陳伯陶 何雲翥

上諭

二月二十五日奉

上諭三月二十日祭 先農壇遣恭親王溥偉恭代行禮欽此

批摺摘由

二月二十二日

太常寺奏初十等日 孝貞顯皇后各忌辰請 遣員行禮事奉 旨知道了 又奏二十七日春分祭朝日壇視祝版
禮節事奉 旨知道了 又奏恭進齋戒銅人綠頭牌奉 旨知道了 又奏看版時刻綠頭牌奉 旨知道了 開缺
廣西布政使張廷燦病痊到京請 安奉 旨知道了 壽耆阿霖均補進 西苑門內大臣班前杭州將軍吉和因
子補進 西苑門內大臣班專摺各謝 恩均奉 旨知道了

政務處四件

戶部片奏寄存款項實力保護奉 旨依議 又片請以陳宗燾辦上海洋款奉 旨依議 又片請以黎大鈞開去山
東兗沂道派充漢口戶部分行總辦由奉 旨依議 又議覆滇省善後銜封等項並七項常捐請再展一年由奉 旨
依議

二月二十三日

吏部奏請派大臣驗看月官事奉 旨派出 李殿林陳邦瑞李紱藻胡燏棻溥興紹昌溥綱陸寶忠茹泰徐士佳陳恒
慶儼忠英奎蔡金臺杜本崇恩祜 又奏議覆甘肅新疆巡撫奏周源補塘羌縣知縣議駁事奉 旨依議 又彙奏王
懋勳等補孚遠縣知縣等缺事奉 旨依議 又片奏截取舉人兼用直州司鹽庫大使事奉 旨依議 又奏
議覆浙江巡撫奏勦辦左溪坑餘各匪員請獎事奉 旨依議 又奏議覆對引大臣紹昌到班遲延議以罰俸六箇月

公罪可否准其抵銷 又奏山東等省典史陳祖壽等尋常議處彙奏事單一件奉 旨依議 又山東等省知縣周鳳
鳴等尋常議處彙奏事單一件奉 旨依議 內務府奏杭州織造盛桂又屆一年期滿可否更換請 旨事奉 旨留
中 兩翼幼官學奏幼官出學停止考驗舊設各學應否裁撤請 旨事奉 旨留中 載洵由 西陵回京恩由
白龍潭回京各請 安均奉 旨知道了

二月二十四日政務處二件

戶部奏議覆江西巡撫奏紳士張星煌等捐助學堂鉅款請分別給獎奉 旨依議 工部奏核銷烏里雅蘇臺採買軍
械等項用過銀兩一摺奉 旨知道了

奏稿

戶部謹 奏為遵

旨議奏恭摺仰祈

聖鑒事兩廣總督岑春煊奏粵省指還四國借款之關姓捐銀因停止科

舉捐項全無懇敕改撥一摺光緒三十一年十一月初九日具奏奉 硃批戶部議奏欽此欽遵由內閣抄出到部查
原奏內稱籌還俄法英德兩款本息銀兩每年指撥廣東關姓捐輸銀四十八萬兩英德年分四次俄法年分兩次均解
江海關道交納前因停罷武科舊商虧累減餉另換新商中間空缺一數幾屆設法借墊現奉 諭旨自丙午科
為始鄉會試一律停止歲科考試亦即停止等因欽此是廣東關姓捐輸從此全無所出即幾屆借墊之數新商無力措
交亦且成爲虧累所有關捐還四國借款每年銀四十八萬兩實屬無款應仍懇 恩敕部另行改撥等因臣等查
籌還迭次借款全賴各省源源籌措力任其難間有籲請改撥臣部均未便率行議准良以各省軍儲艱窘情實略同
既不能於彼議增自不得於此議減即以四國洋款而論原係均勻攤派各省還廣東攤派數內遂以關捐的款指撥
則此項洋款遇有虧缺應仍由廣東設措茲據兩廣總督岑春煊奏稱俄法英德四款本息銀兩每年部撥廣東關姓捐
輸銀四十八萬兩現在鄉會試一律停止歲科考試亦即停止關姓捐輸全無所出所有指撥關姓還款四十八萬兩又
本年英德還款冬月一期六萬兩懇敕改撥等語科舉既停關捐無著自應另籌的款以濟要需查兩廣關姓捐輸近來
收數甚爲暢旺又據該督電稱粵省難積弊剔除更張辦理略有端緒以上兩項均堪藉資挹注臣等公同商酌本年冬月
英德還款六萬兩爲期已迫恐有貽誤先由臣部電令該督即在本年所收高捐款內如數撥解其常年指撥關姓捐輸

銀四十八萬兩自明年起准其由膏捐賑務內勻挪湊集按期解不得延欠相應請 旨敕下該督臣分飭司局各員如數批解毋誤逾期所有遵議緣由理合恭摺具陳伏乞 皇太后 皇上聖鑒謹奏 光緒三十一年十月初四日具奏奉 旨依議欽此

戶部謹 奏為遵 旨籌撥各款恭摺具陳仰祈 聖鑒事光緒三十二年正月十七日軍機大臣面奉 諭旨著戶部每節交進銀二萬兩備賞內廷當差各項人員欽此同日又奉 諭旨嗣後致祭 東陵 西陵之派出王公每歲賞給盤費銀一百兩由戶部發給告假補行者不給等因欽此由軍機處抄交到部同日奉 上諭軍機處行走之王大臣及滿漢章京等均著分別賞給津貼一併由戶部籌發等因欽此又同日奉 上諭御前大臣及御前行走侍衛乾清門侍衛等著分別賞給津貼一併由戶部籌發等因欽此由內閣抄出到部仰見 聖恩優渥體卹臣僚無微不至恭讀之下欽佩莫名查以上各款每年共需銀四十一萬兩左右除每節交進二萬兩及致祭王公盤費屆時由臣部敬謹預備支領外至 賞給各項養廉津貼需款頗鉅若待所籌的款解運到部再行給發未免聖恩久懸臣等公同商酌自本年二月起即由部庫先行按月支放用副我 皇太后 皇上優待臣下之意惟臣部每年驟增出款必須急籌抵補方資周轉查有江北江安糧道每年漕米折價二十七萬餘兩又節省運費十八萬餘兩共四十五萬餘兩截至三十年底尚存二十七萬餘兩已據兩江督臣電稱應解其自三十一年起所有前項折價運費銀兩除每年動撥賠款銀一十萬兩外下餘尚有二十五萬兩又膠海關洋稅近年徵收頗暢每年約徵銀四十七八萬兩除每年六成項下警部提銀二十萬兩又臣部去年議准由四成項下備贖膠商兵房價銀二十八萬兩於兩年內付清此外並無指撥該關之款計其收數尚有盈餘嗣後每年四成項下全數約二十餘萬兩又兩淮鹽務票本銀十萬兩前經臣部議令自三十一年起以二萬五千兩就近撥作江北練兵經費下餘七萬五千兩委員解交部庫以上三項本皆應行解部之款應令各該督撫嗣後按照臣部此次奏定數目按年掃數解部不得率請截留挪用以裕庫儲而應要需所有遵 旨籌撥各款緣由理合恭摺具陳伏乞 皇太后 皇上聖鑒謹 奏光緒三十二年二月初四日具奏本日奉 旨知道了欽此

戶部片 再據河南巡撫陳夔龍片奏豫省興辦農工商一切要政需款甚亟當此百端交迫帑藏已搜掘無遺若欲就地籌款取諸紳商集股則觀望不前勸捐則零星難集現經督同司局再四籌商惟有以變通之方為補苴之策查湖北

江南等省奏辦彩票行之已久尚無流弊應即仿照辦理於本年十一月起開辦河南協捐彩票票在省城設立總局委員妥為辦理並于東南各省商場煩盛之處設局分銷每月所收款項除開彩並局用外撥濟各項要需于行政籌款不無裨益等因一片光緒三十一年十二月十一日奉 硃批該部知道欽此欽遵山內閣抄出到部臣等伏查豫省興辦要政籌款維艱請開辦協捐彩票自係不得已之計但推其流極究屬利小害大湖北江南雖業已開辦一俟該省款項稍裕即擬奏請禁止而未辦省分不便准令再開縱豫省各項要政需款孔亟應令該撫別籌良策以濟要需所有請辦彩票之處未便准行理合附片陳明伏乞 聖鑒謹 奏光緒三十二年二月初四日具奏奉 旨依議欽此

龐鴻書片 再臣准吏部咨已革花翎二品頂戴三品銜軍機處存記候補湖南衡州府知府裕慶前因案被議嗣經出使各國考察政治大臣升任湖南撫臣端方咨由外務部查明該員裕慶被案寬抑 奏請開復原官升階及銜翎頂戴於光緒三十一年十月二十日奉 硃批依議欽此欽遵行文知照到湘臣查該員裕慶前以勞績知府籤掣湖南候補歷署長沙常德永順澧州等府州暨護岳常澧道各印務經各前撫臣臚列政績保薦循良兩次奉 旨交軍機處存記因勸辦順直賑捐出力奉 旨俟補知府後以道員補用光緒二十四年蒙 簡放湖南長沙府遺缺知府補授衡州府知府二十六年被參離任該員在湘二十餘年于通省地方風氣民情甚為熟悉歷任道府州卓有政聲至今紳民猶常稱道歷辦省城各局事務夙能精心講求無不措置得當現仍在湘辦理鑛務銅元各屬深資得力實為湘省不可多得之員且從前曾拏獲著名會匪頭目著有異常勞績存候彙案請獎因教案牽涉未經列保今蒙 聖明

燭照准予開復該員係實任知府保有升階本係湖南候補道員現經開復原官升階原缺已 簡放有人合無仰懇 天恩免再改缺以道員仍留湖南補用之處出自 逾格鴻施臣為湘省得人藉資臂助起見謹附片具 奏伏乞 聖鑒訓示謹 奏奉 硃批著照所請吏部知道欽此

龐鴻書片 再前准戶部咨凡遇青黃不接營兵需備倉穀務須專摺奏明等因歷經遵照辦理按年彙奏在案茲據布政使英瑞詳稱光緒三十一年分永定臨武二營以時值青黃不接兵丁買食維艱請照章借支倉穀接濟查永定臨武均係本折兼支營分照章每名借穀一石永定營原額弁兵除停補外實存弁兵一百一十八員名借穀一百一十八石在于永定縣倉內支給臨武營除停補外實存弁兵一百五十一員名借穀一百五十一石在於桂陽州臨武益山嘉禾四州縣分支借給詳請具 奏前來臣覆加查核俱與歷辦成案相符除飭令于秋後照例扣餉買補還倉造報外所有

營兵諸僉倉穀緣由理合會同湖廣總督臣張之洞附片具陳伏乞

聖鑒

奏奉

硃批戶部知道欽此

崇善片 再前准戶部咨奉定新章各省機器局並閩省船政局添購機器經費先行奏報立案方准核銷等因茲查福建省巡洋差遣福安定海各輪船光緒三十年分在福州中岐船廠修理動用各廠匠工銀九百五十一兩零又物料價值銀二千四百四十二兩零又福州口水雷營領用物料價值銀一千七百三十七兩零共銀五千一百三十二兩零據福建財政局司道開具清摺詳請 奏咨前來除清摺咨部外謹附片具陳伏乞 聖鑒 奏奉 硃批該部知道欽此

崇善片 再前署福建甯化縣大挑知縣張朝法經前署督臣魏光燾 奏參革職交代案內短交正雜名款銀三千三百二十三兩零又各項捐款錢六千三百五十九兩零為數甚鉅節經嚴追未解據福建藩司周運會同臬司督糧道揭請參追前來相應請 旨將已革前署甯化縣知縣張朝法復參監追倘敢再延或完不足數另行嚴參懲辦除咨請外理合附片陳明伏乞 聖鑒謹 奏奉 硃批著照所請該部知道欽此

文苑

古鏡

國月樣鏡玲瓏閱盡興亡不語中。帝子頭顱嗟大好。美人顏色惜殘紅。一朝代謝成千古。幾度風流管六宮。惱煞咸陽曾照膽。不曾照著楚重瞳。

大風

莽莽北風勁。關山阻且長。平沙隨地白。落日接天黃。渤海流渾灩。中條入混茫。悲歌思壯士。古有漢高皇。

秦穆公墓

清曉陳倉望欲迷。秦泉宮外草萋萋。三良遺恨哀黃鳥。千載雄圖想碧雞。陳寶記曾封鄜畤。關門誰為扼丸泥。坑儒殉士相輝映。孫子空尊帝號西。

雨中望錫山敗塔

敗塔峙巍然。蒼蒼望何似。霎時臥白雲。山風吹不起。

振素齋主稿